

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Stručne službe Vlade Zeničko-dobojskog kantona, Vlada Zeničko-dobojskog kantona, na 106. sjednici održanoj dana 04.04.2013. godine, d o n o s i

O D L U K U

O INTERNET PORTALU ZENIČKO-DOBOJSKOG KANTONA

Član 1. **(Predmet)**

Ovom odlukom se utvrđuje sadržaj i način ažuriranja sadržaja internet stranica portala Zeničko-dobojskog kantona (u daljem tekstu: Kanton) u cilju pravovremene i tačne objave informacija i drugog sadržaja.

Član 2. **(Nivoi ažuriranja internet portala)**

Za ažuriranje sadržaja internet portala Kantona postoje korisnici u dva nivoa, i to:

- a) administratori na nivou Kantona, zaposlenici Odjeljenja za informatičku podršku Stručne službe Vlade kantona (u daljem tekstu: Odjeljenje) i
- b) zaposlenici Ureda premijera Zeničko-dobojskog kantona zaduženi za odnose sa javnošću.

Član 3. **(Administratorsko ažuriranje)**

Administrator na nivou Kantona ima sva prava u okviru portala što podrazumijeva:

- a) kreiranje novih podstranica za kantonalne organe uprave, stručne službe i kantonalne upravne organizacije, odnosno njihove organizacione dijelove,
- b) kreiranje korisničkih računa i određivanje prava unosa za iste po nalogu rukovodioca organa i
- c) kreiranje svih vrsta sadržaja na cjelokupnoj stranici Zeničko-dobojskog kantona.

Član 4. **(Promjena sadržaja stranice Kantona)**

(1) Zaposlenici Ureda premijera Zeničko-dobojskog kantona zaduženi za odnose sa javnošću imaju prava promjene sadržaja stranice Kantona u okviru kreiranja, brisanja i uređivanja sadržaja na nivou cjelokupne stranice u okviru njihovog domena rada.

(2) Vrste sadržaja koji se može ažurirati na ovom nivou:

- a) vijesti,
- b) najave događaja i
- c) obavještenja.

Član 5. **(Lica ovlaštena za ažuriranje stranica organa)**

(1) Rukovodioci kantonalnih organa, stručnih službi i kantonalnih upravnih organizacija će ovlastiti osobu zaduženu za ažuriranje sadržaja u okviru njihovih stranica.

(2) Na zahtjev rukovodioca, Odjeljenje može ovlaštenoj osobi iz prethodnog stava ovog člana odrediti korisnički račun za samostalno uređivanje sadržaja.

(3) Zadužuje se Odjeljenje da izvrši obuku lica iz ovog člana za samostalno uređivanje internet stranica, da prati njihov rad i pruža podršku po potrebi.

Član 6.
(Sadržaj stranice)

(1) Ovlaštena lica iz člana 5. ove Odluke će slijediti uputstva Odjeljenja u vezi prilagodbe postavljenog sadržaja u cilju konzistentnog vizuelnog prikaza i optimizacije materijala za preuzimanje.

(2) Posebno će se voditi računa o postavljanju izvornog pretraživog sadržaja.

(3) Postavljeni sadržaj se neće brisati, nego će činiti arhivu objavljenog sadržaja dostupnu putem pretrage.

Član 7.
(Isključenje primjene Odluke)

Ova odluka se ne primjenjuje na Ministarstvo unutrašnjih poslova Zeničko-dobojskog kantona.

Član 8.
(Provođenje Odluke)

Za provođenje ove odluke zadužuje se Odjeljenje.

Član 9.
(Stupanje na snagu)

Ova odluka stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 02-_____/13.
Datum, 04.04.2013. godine
Z e n i c a

PREMIJER

mr. sci. Fikret Plevljak, dipl. ing.

DOSTAVLJENO:

1x Svim kantonalnim organima uprave,
 stručnim službama i kantonalnim upravnim organizacijama,
1x Stručnoj službi Skupštine,
1x „Službene novine Zeničko-dobojskog kantona“,
1x a/a.